



DAVID KHOO | BERITA MINGGU

SELAMAT TIBA: Abdullah mengaminkan doa setibanya daripada lawatan luar negara selama dua minggu di Kompleks Bunga Raya di KLIA, Sepang, semalam.

PM ucap selamat berpuasa

SEPANG: Datuk Seri Abdullah Ahmad Badawi mengucapkan selamat berpuasa kepada umat Islam di seluruh negara mulai hari ini dan mengakui suasana sambutan Ramadan tahun ini berlainan sedikit baginya tanpa isteri, Allahyarham Datin Seri Endon Mahmood, di sisi beliau.

"Memanglah tahun ini rasa lain sedikit, tak ada Datin Seri Endon. Dulu, banyak kali buka puasa dengan dia.

"Saya perlusesuaikan diri seka-

rang. Ia adalah realiti tetapi saya ada keluarga bersama," katanya pada sidang media sekembalinya dari lawatan kerja luar negara di Kompleks Bunga Raya, Lapangan Terbang Antarabangsa Kuala Lumpur (KLIA) di sini, semalam.

Ketibaan beliau disambut Timbalan Perdana Menteri, Datuk Seri Najib Razak dan isteri Datin Seri Rosmah Mansor.

Abdullah turut mengingatkan umat Islam seluruh negara supaya

tidak berpuasa semata-mata menahan lapar, sebaliknya tingkatkan amal ibadat sepanjang Ramadan.

"Bagi umat Islam, kegiatan kita berpaksi kepada ibadat. Kita perlu beramal salih dalam kerjakita, tidak kira kakitangan kerajaan, peniaga atau pengusaha.

"Justeru, saya berpesan kepada umat Islam di negara ini melaksanakan ibadat itu sebaikmungkin. Mudah-mudahan Allah akan memberkati dan merahmati kita," katanya.